



15. Ársþing KAÍ
18. apríl 2002

15. Árspaning KAÍ, 18 apríl 2002

EFNISYFIRLIT

Stjórn og nefndir KAÍ.....	2
Stjórn KAÍ 2001 - 2002:	2
Dómaranefnd:	2
Aganefnd:	2
Landsliðsnefnd:	2
Unglingalandsliðsþjálfari	2
Ávarp formanns.....	3
Skýrsla unglingalandsliðsþjálfara	4
Mót	5
Íslandsmeistaramót í Kata 2001	5
Íslandsmeistaramót í Kumite 2001	5
Unglingameistaramót.....	7
LÖG KARATESAMBANDS ÍSLANDS.....	11
REGLUR UM ÍSLANDSMEISTARAMÓT Í KARATE	14
Almennar reglur.	14
Starfsfólk.....	14
Keppnin.....	14
Kærur, fundir, úrslit & skýrslur.....	16
Félagaskipti.	17
Réttindi karatedómara.....	17
Myndband af ÍM í Kumite	18

STJÓRN OG NEFNDIR KAÍ

Stjórn KAÍ 2001 - 2002:

Ólafur H. Wallevik	formaður
Halldór Svavarsson	varaformaður
Indriði Jónsson	gjaldkeri
Reinharð Reinharðsson	ritari
Ingólfur Snorrason	meðstjórnandi
Ómar Ívarsson	varamaður
Bryndís Valbjarnardóttir	varamaður
Helgi Jóhannesson	varamaður

Dómaranefnd:

Helgi Jóhannesson	formaður
Ólafur Wallevik	
Ólafur Hreinsson	

Til vara:

Reinharð Reinharðsson

Aganefnd:

Vincente Carrasco
Ólafur Hreinsson
Ásmundur Ísak Jónsson
Lárus Welding
Vilhjálmur Svan Vilhjálmsson

Landsliðsnefnd:

Halldór Svavarsson
Ingólfur Snorrason
Edda Blöndal

Unglingalandsliðsþjálfari

Ingólfur Snorrason (f.o.m. haustinu 2001)

ÁVARP FORMANNS

Enn eitt karate árið er liðið. Hæst ber unglingastarfið í aðildarfélagunum sem eflist frá ári til árs. Þátttakendur í unglingameistaramótinu í Kata voru um 340 árið 2001 og fóru í 380 árið 2002, sem verður að teljast mjög gott. Árangur unglinganna er einnig til sóma, en vert er að nefna að á Opna Enska meistaramótinu í London í janúar 2002 náði Sólveig Sigurðardóttir þeim árangri að verða önnur í Kata Juniora og Andri Sveinsson náði þriðja sæti í Kumite Kadetta í -75 kg. flokki.

Verulegar breytingar hafa verið gerðar á keppnisreglum í Karate, einkum varðandi Kumite. Það var heimssambandið, World Karate Federation (WKF) sem gaf hinar nýju reglur út. Karatesambandið tók reglurnar í gildi seinasta haust. Þessar breytingar hafa leitt af sér erfiðan aðlögunartíma, bæði keppendur og dómarar hafa átt í ströngu með að aðlagast nýju reglunum. Sem dæmi má nefna að harkan var heldur of mikil á unglingameistaramótinu í Kumite 2002.

Helgi Jóhannesson formaður dómaranefndar tók þátt í námskeiði er haldið var á vegum EKU í tengslum við Evrópumeistaramótið í maí 2001, þar sem kenndar voru hinar nýju reglur. Fékk hann alþjóðleg réttindi, Judge B. Er þetta í fyrsta skipti sem íslendingur fær EKU dómararéttindi. Þá hélt Karatesambandið á haustmánuðum dómaranámskeið með Tommy Morris yfirþjálfara WKF. Ljóst er að enn er verulegt verkefni framundan varðandi aðlögun að hinum nýju reglum. Einnig verður að herða aga á mótum en borið hefur á að dómurum og starfsmönnum sé ekki sýnd viðeigandi virðing.

Stjórn KAÍ hefur verið mjög virk á starfsárinu, hafa meðlimir stjórnað unnið gott starf. Má nefna að Reinhard Reinhardsson ritari annaðist uppsetningu á heimasíðu sambandsins <http://www.isisport.is/kai/> þar sem er að finna ýmar þarfar upplýsingar ásamt úrslitum allra móta. Einnig má nefna röggsamt starf Helga Jóhannessonar, varamanni, varðandi skipulagningu móta. Mjög gott skipulag hefur verið á fjárreiðum sambandsins, Indriði Jónsson, gjaldkeri, á þann heiður. Halldór Svavarsson, varaformaður, hefur ætíð brugðist hratt við þegar á þarf að halda. Þakkar formaður meðstjórnendum og varamönnum samvinnuna.

Landsliðsmálin hafa verið veikur punktur í starfsemi sambandsins, en reynt hefur verið að leggja áherslu á yngri kynslóðina, sjá greinargerð frá unglingalandsliðsþjálfara. Betrubætur eru framundan en vonast er til að daninn Alan Busk verði ráðinn landsliðsþjálfari, er von á honum til landsins í maí nk. til samninga.

Ljóst er að mikill vaxtarbroddur er í íþróttinni og er mikilvægt að hlúa að honum af fremsta megni. Sérstaklega verður að leggja rækt við unglingalandsliðið sem lofar góðu. Nýjar reglur kalla ennfremur á aukna fræðslustarfsemi af hálfu sambandsins en mjög mikilvægt er að sem allra fyrst verði sem flestir dómarar og þátttakendur búnir að tileinka sér nýjar reglur þannig að ekki komi til árekstra eða deilna á mótum.



Ólafur Haraldsson Wallevik

SKÝRSLA UNGLINGALANDSLIÐSÞJÁLFA

Unglingalandsliðsstarfið hófst haustið 2001 og hafa verið haldnar bæði opnar æfingar og æfingar með unglingalandsliðshóp í vetur. Nokkuð breiður hópur hefur stundað æfingarnar og ljóst er að efniviðurinn er töluverður.

Fimm keppendur voru sendir á Opna Enska meistaramótið í London í janúar og skipuðu hópinn Sólveig Sigurðardóttir í Kata og Kumite, Andri Sveinsson, Jón Viðar Arnþórsson, Steinn Stefánsson og Bragi Pálsson, allir kepptu þeir einungis í Kumite. Ferðin gekk í alla staði vel, keppendur fengu góða reynslu út úr sínum viðureignum og skemmst er frá því að segja að Sólveig Sigurðardóttir náði öðru sæti í Kata Juniora og Andri Sveinsson náði þriðja sæti í Kumite Kadetta í -75 kg. flokki.

Æfingar eftir mótið miðuðu síðan að því að taka þátt á Evrópumeistaramóti unglinga í Þýskalandi að ósk stjórnar Karatesambands Íslands.

Þátttaka á evrópumóti er í alla staði mikil upplifun fyrir lítið reynda keppendur og var undirrituðum ljóst að þátttaka okkar á mótinu hafði þann tilgang helst að sjá, taka þátt og upplifa mót af þessu tagi, enda skilar slík reynsla sér í flestum tilfellum áfram.

Á þetta mót fóru Sólveig Sigurðardóttir, í Kata, Andri Sveinsson og Bragi Pálsson í Kumite.

Sólveig stóð sig mjög vel í Kata en náði ekki að sigra fyrstu viðureign. Andri og Bragi kepptu í Kadett flokki, -65 kg. og -70 kg. í Kumite. Strákarnir stóðu sig báðir vel í viðureignum sínum en náðu hvorugur að sigra og duttu því út úr keppninni.

Eftir þessi mót liggur fyrir að Við eigum mjög frambærilegt fólk í íþróttinni. Framundan eru spennandi tímar fyrir þessa keppendur og það mun vera skylda Karatesambandsins að veita unga fólkinu byr undir báða vængi til framtíðar. Að mati undirritaðs er mjög mikilvægt að fara á fleiri mót erlendis og keppa oftar. Fáí hópurinn þann möguleika er ljóst að framtíðin er björt á þessum vettvangi.

MÓT

Íslandsmeistaramót í Kata 2001

Íslandsmeistaramótið í kata 2001 fór fram í Íþróttahúsi Hagaskóla 24. mars 2001.

Um 50 keppendur voru skráðir til leiks frá 4 félögum og gekk mótið vel fyrir sig.

Dómarar voru: Ólafur Wallevik yfirdómari, Ólafur Hreinsson, Bjarni Kristjánsson, Karl Gauti Hjaltason og Grétar Halldórsson.

Úrslit:

Kata karla:

1. Ásmundur Ísak Jónsson Þórshamar
2. Vilhjálmur Svan Vilhjálmsson KFR
3. Bjarni Kærnested Þórshamar

Kata kvenna:

1. Edda Lúvís Blöndal Þórshamar
2. Sólveig Sigurðardóttir Þórshamar
3. Sif Grétarsdóttir Fylkir

Hópkata karla:

1. Ásmundur Ísak Jónsson, Helgi Jóhannesson, Bjarni Kærnested Þórshamar
2. Jón Ingi Þorvaldsson, Árni Þór Jónsson, Daníel Pétur Axelsson Þórshamar
3. Halldór Svavarsson, Ingólfur Snorrason, Pétur Ragnarsson Fylki

Hópkata kvenna:

1. Edda L. Blöndal, Sólveig Sigurðardóttir, Auður Olga Skúladóttir Þórshamar
2. Heiða B. Ingadóttir, Olga Hrönn Olgeirsdóttir, María Pálsdóttir KFR
3. Arna Steinarsdóttir, Fríða Bogadóttir, Gerður Steinarsdóttir Þórshamar

Heildarárangur einstakra félaga:

Félag	Gull	Silfur	Brons	Fjöldi verðl.	Heildarstig
Þórshamar	4	2	2	8	18
KFR	0	2	0	2	4
Fylkir	0	0	2	2	2
Akranes	0	0	0	0	0

Íslandsmeistaramót í Kumite 2001

Sunnudaginn 14.október fór Íslandsmeistaramót í kumite fram í íþróttahúsinu við Austurberg. Mótið var mjög fjölmennt og hefur þátttakan aukist ár frá ári. Mótið gekk vel fyrir sig og voru margir mjög spennandi bardagar sem áttu sér stað. Meistaramir úr þyngdarflokki karla frá því í fyrra vörðu allir sína titla, Daníel Axelsson í -65kg, Halldór Svavarsson í -73kg, Jón Ingi Þorvaldsson í -80kg og Ingólfur Snorrason í +80kg. Nýr meistari varð í opnum flokki karla, en Jón Ingi Þorvaldsson vann opna flokkinn eftir mjög spennandi bardaga við sigurvegara tveggja síðustu ára Ingólf Snorrason Fylki. Edda Blöndal varð svo meistari í opnum flokki kvenna 8 árið í röð. Í ár var í fyrsta skipti keppt í þyngdarflokki kvenna en undanfarin ár hefur einungis verið keppt í opnum flokki. Sigurvegari í -57kg kvenna

varð Arna Steinarsdóttir, en sigurvegari í +57 kg varð Edda Blöndal. Í sveitarkeppni kvenna varði A lið Þórshamars titil sinn frá því í fyrra eftir öruggan sigur á sveit KFR. Mikið gekk á í sveitarkeppni karla sem oftast er hápunktur Íslandsmeistaramóts í kumite. Til úrslita kepptu sömu sveitir og í fyrra Þórshamar og Fylkir, en Þórshamar hefur verið sigurvegarinn síðustu 3 ár. Úrslitin réðust í síðasta bardaga þegar Halldór Svavarsson úr Fylki og Jón Ingi Þorvaldsson úr Þórshamri áttust við. Viðureigninni lauk með sigri Halldórs og varð Fylkir Íslandsmeistari í sveitakeppni karla í fyrsta skipti. Karatefélagið Þórshamar varð svo Íslandsmeistari félaga eftir að stig höfðu verið reiknuð út, hluti 46 stig af 90 mögulegum. Stig eru reiknuð eftir fjölda verðlauna sem félögin fá, 3 stig fyrir 1.sæti, 2 stig fyrir 2. sæti og 1 stig fyrir 3.sæti, síðan vegur sveitakeppni þrefalt í hverju sæti.

Úrslit í einstökum flokkum urðu sem hér segir;

Kumite karla -65 kg

1.sæti	Daníel P. Axelsson	Þórshamar
2.sæti	Bragi Þór Pálsson	Þórshamar
3.sæti	Konráð Sigursteinsson	Fylkir
4.sæti	Sveinn G. Þórhallsson	Fylkir

Kumite karla -73 kg

1.sæti	Halldór Svavarsson	Fylkir
2.sæti	Steinn Stefánsson	Þórshamar
3.sæti	Jón Viðar Arnþórsson	Þórshamar
4.sæti	Guðmundur Jónsson	KFR

Kumite karla -80 kg

1.sæti	Jón Ingi Þorvaldsson	Þórshamar
2.sæti	Sverrir Sigurðsson	Fylkir
3.sæti	Rúnar Ingi Ásgeirsson	KFR
4.sæti	Konráð Stefánsson	KFR

Kumite karla +80 kg

1.sæti	Ingólfur Snorrason	Fylkir
2.sæti	Karl Viggó Vigfússon	Þórshamar
3.sæti	Bjarni Kærnested	Þórshamar
4.sæti	Benedikt Helgason	Fylkir

Kumite kvenna -57 kg

1.sæti	Arna Steinarsdóttir	Þórshamar
2.sæti	Snædís Baldursdóttir	Þórshamar
3.sæti	Kristín al Lahham	Fylkir
4.sæti	Bylgja Guðmundsdóttir	Þórshamar

Kumite kvenna +57 kg

1.sæti	Edda L. Blöndal	Þórshamar
2.sæti	Sólveig Sigurðardóttir	Þórshamar
3.sæti	Heiða B. Ingadóttir	KFR
4.sæti	Auður Olga Skúladóttir	Þórshamar

Opinn flokkur karla

1.sæti	Jón Ingi Þorvaldsson	Þórshamar
2.sæti	Ingólfur Snorrason	Selfoss
3.sæti	Karl Viggó Vigfússon	Þórshamar
4.sæti	Jón Viðar Arnþórsson	Þórshamar

Opinn flokkur kvenna

1.sæti	Edda L. Blöndal	Þórshamar
2.sæti	Karen Ósk Sigþórsdóttir	KFR
3.sæti	Sólveig Sigurðardóttir	Þórshamar
4.sæti	Auður Olga Skúladóttir	Þórshamar

Liðakeppni karla

1.sæti	Fylkir - A
2.sæti	Þórshamar
3.sæti	Fylkir - B
4.sæti	KFR

Liðakeppni kvenna

1.sæti	Þórshamar - A
2.sæti	KFR
3.sæti	Fylkir
4.sæti	Þórshamar - B

Heildarárangur einstakra félaga;

Félag	Gull Silfur Brons Heildarstig			
Þórshamar	7	6	4	46
Fylkir	3	2	4	34
KFR		2	2	10

Unglingameistaramót

Þar sem skýrsla þessi nær yfir tímabilið frá lok mars til áramóta 2001 eru ekki úrslit frá ÚM skráð hér.

4. BIKARMÓT KAÍ Í KARATE - ÚTILÍFSDEILDIN 2000 - 2001

Fjórða og síðasta bikarmót vetrarins fór fram í Íþróttahúsi Breiðabliks í Smáranum laugardaginn 12. maí.

Keppt var í kumite karla +74 kg og -74 kg, kata karla og kumite og kata kvenna. Eftir mótið fór fram verðlaunaafhending þar sem krýndir voru bæði Bikarmeistara karla og kvenna í Karate veturinn 2000 - 2001 í Útilífsdeildinni. Bikarmeistari karla er **Ingólfur Snorrason Fylki** og kvenna **Sólveig Sigurðardóttir Þórshamri**.

Lokastaða efstu manna eftir fjögur bikarmót:

Karlaflokkur :

1. sæti	Ingólfur Snorrason	Fylkir	31 stig, bikarmeistari karla
2. sæti	Jón Viðar Arnþórsson	Þórshamar	22 stig
3. sæti	Jón Ingi Þorvaldsson	Þórshamar	18 stig

Kvennaflokkur :

1. sæti	Sólveig Sigurðardóttir	Þórshamar	31 stig, bikarmeistari kvenna
2. sæti	Edda L. Blöndal	Þórshamar	20 stig
3. sæti	Heiða Björg Ingadóttir	KFR	7 stig

15. maí 2001/RR

REKSTRAR- OG EFNAHAGSREIKNINGUR

Rekstrarreikningur KAÍ 19/5 2000-22/3 2001

Tekjur	Skýring	23/3-31/12/01
11000 Framlög og styrkir		
<i>Greitt á tímabili</i>		1.628.262,00
<i>þ.a. v/greiðslu útistandandi</i>	-	909.251,09
<i>ógreitt útistandandi hjá ÍSí</i>		387.487,09
framlög og styrkir nettó		1.106.498,00
Árgjöld aðildarfélaganna		
v/ 2000		148.000,00
v/ 2001		199.400,00
Árgjöld alls		347.400,00
15000 Tekjur af mótum	1	69.300,00
17000 Auglýsingatekjur		0
22000 Aðrar tekjur		4.579,32
Tekjur alls		1.527.777,32

Gjöld		
35000 Styrkir til deilda	2	600.000,00
40000 Þátttaka í mótum	3	217.300,00
45000 Kostnaður við mótahald	4	280.973,80
53000 Rekstur skrifstofu	5	237.064,00
56000 Námskeið	6	280.000,00
65000 Önnur gjöld		-
Rekstrargjöld alls		1.615.337,80
Hagnaður/Tap f. afskriftir	-	87.560,48
Afskriftir skrifstofubúnaðar 100%		0
Afskriftir Tatami 20%		88.998,00
Afskriftir alls		88.998,00
Hagnaður/Tap	-	176.558,48

Reikning þennan hef ég samið eftir hjálögðum gögnum frá ársþingi KAÍ 2001
22.03.2001 til 31.12.2002.
Reykjavík, 15. apríl 2002

Indriði Jónsson, gjaldkeri KAÍ

Efnahagsreikningur 31/12/2001

EIGNIR	31.12.01
85000 Veltufjármunir	
85100 Skrifstofubúnaður	0
85200 Tatami	177.996
	177.996
Skammtímakröfur	
Inneign hjá félögum	21.800
Loforð um styrki ógreitt	200.000
88300 Inneign hjá ÍSí v/ Lottó	132.967
88301 Inneign hjá ÍSí v/ útbr.	254.520
Skammtímakröfur alls	609.287
88000 Handbært fé	
88200 Tékkareikningur	621.293
Handbært fé alls	621.293
89999 Eignir alls	1.408.576
SKULDIR OG EIGIÐ FÉ	
91000 Eigið fé 22/3/01	1.476.335
Hagnaður/tap	- 176.558
Eigið fé 31/12/01	1.299.776
92003 Skammtímaskuldir	108.800
99999 Skuldir og eigið fé alls	1.408.576

Við kjörnir skoðunarmenn höfum yfirfarið ársreikning Karatesambands Íslands (KAÍ) og ekkert fundið athugavert og leggjum til að hann verði samþykktur.

Reykjavík 15. apríl 2002

Helgi Jóhannesson

Jón Ingi Þorvaldsson

Skýringar við rekstrarreikning	
1 Tekjur af mótum	
ÍM-Kumite	39.200,00
ÍM-KATA	25.900,00
UM-Kumite	
UM-KATA	4.200,00
	<u>69.300,00</u>
2 Styrkir til deilda	
Edda L. Blöndal afreksstyrkur ÍSí	150.000,00
þ.a. vegnar skuldar	- 50.000,00
Japansferð styrkt af utanríkisráðun	500.000,00
	<u>600.000,00</u>
3 Þátttaka í mótum	
Landslið og landsliðsþjálfari ferðakostn.	217.300,00
4 Kostnaður við mótahald	
NM	
ÍM-Kumite	120.482,80
ÍM-KATA	52.650,00
UM-Kumite	
UM-KATA	38.189,00
Bikarmótaröð	43.690,00
Annar kostn. v/móta	25.962,00
	<u>280.973,80</u>
5 Rekstur skrifstofu	
Heiðursmerki	47.500,00
Vefsíða	50.000,00
Húsaleiga	95.460,00
Kaffitería	18.925,00
v/Japansferðar	22.402,00
	<u>234.287,00</u>
6 Námskeið	
Dómaranámskeið m. Tommy Morris	80.000,00
Dómaranámskeið Helgi Jóh	210.000,00
Dómaranámskeið m. Helga Jóh.	- 10.000,00
	<u>280.000,00</u>

LÖG KARATESAMBANDS ÍSLANDS

1. gr. Karatesamband Íslands (KAÍ) er æðsti aðili um öll karatemál innan vébanda Íþrótt- og Ólympíusambands Íslands (ÍSÍ).

2. gr. Karatesamband Íslands er samband héraðssambanda, sem hafa iðkun karate innan sinna vébanda.

3. gr. Starf KAÍ er í meginatriðum:

- a) Að hafa yfirumsjón allra íslenskra karatemála.
- b) Að vinna að eflingu karateíþróttainnnar í landinu og koma fram erlendis fyrir hönd hennar.

4. gr. Málefnum KAÍ stjórna:

- a) Karateþing.
- b) Stjórn KAÍ.

5. gr. Karateþing fer með æðsta vald í málefnum KAÍ. Þingið sitja fulltúar frá þeim aðilum, sem mynda KAÍ. Fulltrúafjöldi hvers aðila fer eftir tölu virkra iðkenda karate í aðildarfélögum, þannig að fyrir allt að 25 menn koma 2 fulltúar og síðan tveir í viðbót fyrir næstu 25 eða brot úr 25 upp í allt að 75 iðkendum og þá 1 fulltúi fyrir næstu 25 eða brot úr 25 upp í 100 iðkendur, en síðan 1 fulltúi fyrir næstu 50 eða brot úr 50 upp í 200, en síðan 1 fyrir hverja hundrað eða brot úr hundrað upp í 500, en loks 1 fulltúi fyrir hverja 200 eða brot úr 200 eftir það. Félög, sem ekki hafa skráða iðkendur fá 2 fulltrúa á árþingi, ef vottorð frá viðkomandi héraðssambandi staðfestir að karate er sannanlega iðkað í félaginu, eða deild ef sams konar vottorð kemur frá félagsstjórninni.

Þingið skal árlega haldið í janúar eða febrúar. Skal boða það bréflaga með minnst 2ja mánaða fyrirvara. Málefni, sem sambandsaðilar óska, að tekin verði fyrir á þinginu, skal tilkynna stjórn KAÍ minnst 21 degi fyrir þingið.

Þá skal stjórn KAÍ tilkynna sambandsaðilum dagskrá þingsins ásamt tillögum og lagabreytingum, sem borist hafa, í síðasta lagi 14 dögum fyrir þingið, sem síðari fundarboð. Karateþing er lögmeitt, ef löglega er til þess boðað.

6. gr. Á karateþingi hafa fulltrúar einir atkvæðisrétt, en auk þeirra eiga rétt á þingsetu og hafa þar málfrelsi og tillögurétt:

- a. Stjórn KAÍ, varastjórn og endurskoðendur.
- b. Framkvæmdastjórn ÍSÍ.
- c. Fastráðnir starfsmenn KAÍ og ÍSÍ.
- d. Fulltrúar karatedómarafélaga.
- e. Allir nefndarmenn KAÍ.
- f. Auk þess getur stjórn KAÍ boðið öðrum aðilum þingsetu, ef hún telur ástæðu til.

Aðeins sá, sem eru í félagi, sem hefur karateiðkun á stefnuskrá sinni innan héraðssambands er kjörgengur fulltúi þess á karateþingi. Hver fulltúi hefur aðeins 1 atkvæði.

Þegar langt eða dýrt er að sækja þingið eða annar fulltrúi veikist eða forfallast á síðustu stundu frá því að sækja þingið, þá má heimila, að fulltrúi fari með fleiri en 1 atkvæði, en aðeins með atkvæði þess aðila, sérráðs eða héraðssambands, sem hann er fulltúi fyrir. Þó gildir þessi undanþága ekki um fulltrúa þeirra aðila, sem eiga heima þar sem þingið er háð. Umboð, sem jafnframt er beiðni til þingsins um að fulltrúi megi fara með fleiri en eitt atkvæði, verður að vera skriflegt og vera frá stjórn hlutaðeigandi sambandsaðila. Enginn þingfulltúi getur farið með fleiri en 2 atkvæði.

7. gr. Aukaþing má halda, ef nauðsyn krefur eða helmingur sambandsaðila óskar þess. Boðunarfrestur til aukaþings skal vera 2 vikur. Fulltúar á aukaþingi eru þeir sömu og voru á næsta reglulega þingi á undan, og gilda sömu kjörbréf. Þó má kjósa að nýju í stað fulltrúa, sem er látinn, veikur eða fluttur úr héraðinu eða forfallaður á annan hátt. Á aukaþingi má ekki gera laga- eða

leikreglnabreytingar og ekki kjósa stjórn, nema bráðabirgðastjórn, ef meirihluti kjörinnar stjórnar hefur sagt af sér eða er hætt störfum af öðrum sökum. Að öðru leiti gilda sömu reglur og um reglulegt karateþing.

8. gr. Störf karateþings eru:

1. Þingsetning.
2. Kosnir fastir starfsmenn þingsins.
3. Kosnar fastar nefndir:
 - a. Kjörbréfanefnd.
 - b. Fjárlaganefnd.
 - c. Laga- og leikreglnanefnd.
 - d. Allsherjarnefnd.
 - e. Kjörnefnd.

Nefndir þessar eru skipaðar 3 mönnum hver.

4. Fráfarandi stjórn gefur skýrslu sína.
5. Gjaldkeri leggur fram endurskoðaða reikninga sambandsins til samþykktar.
6. Stjórn leggur fram fjárhagsáætlun fyrir næsta ár.
7. Lagðar fram laga- og leikreglnabreytingar þær, sem fram hafa komið.
8. Lagðar fram aðrar tillögur og önnur mál sem borist hafa til stjórnar.
9. Málum og tillögum vísað til nefnda til umfjöllunar.

- Þ I N G H L É -

10. Nefndarálit og tillögur og atkvæðagreiðslur um þær.
11. Önnur mál.
12. Kosning stjórnar, varastjórnar og endurskoðenda.
13. Kjörnir 5 menn í aganefnd og 3 til vara.
14. Val 2ja fulltrúa á Íþróttþing og 2 til vara.
15. Kjör karateljósmyndar ársins að tillögu stjórnar.
16. Þinggerð lesin og staðfest.
17. Þingslit.

Fái fleiri en þeir, sem kjósa á, jafnmörg atkvæði, skal kjósa um þá á ný bundinni kosningu. Verði þeir enn jafnir, ræður hlutkesti. Einfaldur meirihluti ræður úrslitum, nema um lagabreytingar sé að ræða, þá þarf 2/3 hluta atkvæða viðstaddra fulltrúa. Þingið getur með 2/3 atkvæða viðstaddra fulltrúa, leyft að taka fyrir mál, sem komið hafa fram eftir að dagskrá þingsins var send sambandsaðilum (skv. 5. gr. 3. mgr.).

Ársskýrslu KAÍ, sem stjórnin skal leggja fjölritaða fyrir þingið svo og ágrip af þinggerð þingsins, skal senda framkvæmdastjórn ÍSÍ og sambandsaðilum KAÍ innan tveggja mánuða frá þingslitum.

9. gr. Stjórn KAÍ fer með æðsta vald í málefnum sambandsins á milli þinga. Stjórn KAÍ skipa 5 menn: formaður, varaformaður, ritari, gjaldkeri og meðstjórnandi. Skal kjósa bundinni leynilegri kosningu, formann fyrst, síðan meðstjórnendur, sem skipta með sér störfum. Kjósa skal 3 menn í varastjórn og taka þeir sæti í stjórninni ef aðalmaður forfallast og koma inn í sömu röð og þeir voru kosnir.

Stjórn KAÍ skal strax að loknu ársþingi skipa eftirtaldar nefndir:

Mótanefnd KAÍ og landsliðsnefnd KAÍ.

Hvor nefnd skal skipuð minnst þremur mönnum. Stjórn KAÍ skal boða formenn nefnda á stjórnarfund þegar þurfa þykir eða formenn nefnda óska þess. Stjórninni er heimilt að ráða launað starfsfólk. Aðsetur stjórnar er í Reykjavík. Reikningsár KAÍ miðast við almanaksárið.

10. gr. Starfssvið stjórnar KAÍ er:

- a) Að framkvæma ályktanir karateþings.
- b) Að vinna að eflingu karate í landinu.
- c) Að semja leikreglur og reglugerðir fyrir karate.
- d) Að senda sambandsstjórn og framkvæmdastjórn ÍSÍ lögboðnar skýrslur og tilkynningar.
- e) Að líta eftir því að lög og leikreglur KAÍ séu haldnar.
- e) Að setja nauðsynleg bráðabirgðaákvæði.
- f) Að raða niður og ákveða stað og tíma landsmóta. Það skal KAÍ að jafnaði gera fyrir hver áramót og þá í samráði við stórnir sérráða (héraðsstjórna) og farmkvæmdastjórn ÍSÍ.
- h) Að úthluta þeim styrkjum til karate, sem KAÍ fær til umráða.
 - i) Að koma fram erlendis fyrir hönd karateíþróttarinnar í landinu.
 - ii) Að tilkynna með hæfilegum fyrirvara framkvæmdastjórn ÍSÍ áætlanin sínar og ákvarðanir um samskipti við útlönd.

11. gr. Formaður KAÍ boðar stjórnarfundi og stjórnar þeim.

12. gr. Héraðssamböndin eru milliliðir milli félaga sinna og stjórnar KAÍ. Þau skulu og senda henni skýrslur um mót, sem haldin eru innan umdæmisins. Þessar skýrslur skulu sendar innan mánuðar, eftir að mótinu lýkur. Ársskýrslur sínar um störf héraðssambands og tölu virkra karatemanna í umdæminu skulu þau senda stjórn KAÍ fyrir 1. júní ár hvert. Á þeim byggist fulltrúaréttur og fulltrúafjöldi þeirra á karateþingi. (sbr. 5. gr.).

13. gr. Dómsmál vegna málaferla KAÍ skulu rekin fyrir dómstólum ÍSÍ.

14. gr. Kæur skulu vera skriflegar og skal kærar eða tilkynning um hana hafa borist dómstól innan tveggja sólarhringa frá því að hið kærða atvik átti sér stað. Sé kærar póstlögð skal það tilkynnt sérstaklega með staðfestu símskeyti. Dómfesta skal mál innan 7 daga frá því að kærar berst dómstól. Þá skal liggja fyrir rökstuðningur kæru, að öðrum kosti telst kærar ógild. Vísi dómstóll kæru frá vegna formgalla skal kærandi eiga þess kost að kærar að nýju innan tveggja sólarhringa frá því að honum er birtur úrskurðurinn. Úrskurðir og dómar dómstól KAÍ skulu birtir í staðfestu símskeyti eða ábyrgðarbréfi.

15. gr. KAÍ skal, í samráði við hlutaðeigandi héraðssambönd, vinna að stofnun nýrra sérráða.

16. gr. Stjórn KAÍ hefur frjálstan aðgang að öllum karatemótum og sýningum, sem fram fara innan vébanda KAÍ. Einnig á hún rétt á að sitja aðalfundi sérráða, dómarafélaga og héraðssamband, sem eru aðilar að sambandinu.

17. gr. Tillögur um að leggja KAÍ niður má aðeins taka fyrir á lögmætu karateþingi. Til þess að samþykkja þá tillögu, þarf minnst 3/4 hluta atkvæða. Hafi slík tillaga verið samþykkt, skal gera öllum sambandsaðilum grein fyrir henni í þinggerðinni og tillagan síðan látin ganga til næsta reglulega þings. Verði tillagan þá samþykkt aftur, er það fullgild ákvörðun um að leggja KAÍ niður. Skal þá afhenda ÍSÍ eignir KAÍ til varðveislu.

18. gr. Lög þessi öðlast gildi þegar framkvæmdastjórn ÍSÍ hefur samþykkt þau.

Lög þessi öðluðust gildi 4. maí 1985, er þau voru samþykkt á Sambandsstjórnarfundi ÍSÍ.

Síðast breytt á 14. Karateþingi, 22. mars 2001.

REGLUR UM ÍSLANDSMEISTARAMÓT Í KARATE

Almennar reglur.

1. gr. Íslandsmeistaramót í Karate skal vera þrískipt, Kata og Kumite fullorðinna og Unglingameistaramót. Framkvæmdaraðili skal vera Mótanefnd KAÍ. Ef mótanefnd er ekki skipuð skal formaður KAÍ, varaformaður og gjaldkeri skipa nefndina.
2. gr. Íslandsmeistaramót í Kata skal haldið í mars eða apríl ár hvert. Íslandsmeistaramót í Kumite skal haldið í október og Unglingameistaramót skal halda í byrjun febrúar og síðari hluta þess, ef um það er að ræða, hálfum mánuði síðar. Ef sérstaklega stendur á getur Mótanefnd eða stjórn KAÍ breytt mótstíma frá því sem að ofan greinir.
3. gr. Tilkynna skal móti og dagskráratriði þeirra með minnst 3ja vikna fyrirvara til allra karatefélaga og deilda innan ÍSÍ. Þar skal m.a. taka fram þátttökugjald. Þátttökutilkynningar skulu berast frá félögunum viku fyrir mótið, en þó getur mótanefnd ákveðið að hafa þann tíma annan. Greiðsla þátttökugjalda skal fylgja tilkynningum félaganna. Mótanefnd er heimilt að skipta Unglingameistaramóti í tvo hluta, kata og kumitehluta. Þá er Mótanefnd heimilt að fela einstökum félögum að halda utan um framkvæmd einstakra móta, s.s. að útvega aðstöðu, starfsfólk o.s.frv.
4. gr. Þá daga sem Íslandsmeistaramótið fara fram má ekki stofna til annarrar opinberrar karatekeppni.
5. gr. Mótanefnd eða stjórn KAÍ hefur heimild til þess að takmarka fjölda keppenda í hverri grein og þá jafnframt að kveða á um hámarksfjölda keppenda frá hverju félagi í hverri grein. Það skal þó aldrei vera færri en þrír í einstaklingsgreinum.

Mótanefnd skal skipa aðaldómara á komandi móti í tilkynningu til félaganna.

Starfsfólk.

6. gr. Á hverjum velli skulu vera kynnir, ritari, aðstoðarmaður ritara, tímavörður og vallarstjóri. Í kata skulu vera 3 eða 5 dómarar, en 3 dómarar í kumite. Á móti skal vera læknir til staðar. Hvert þátttökufélag er skylt að tilnefna 1 starfsmann fyrir hverja 10 keppendur eða hluta af þeim fjölda og a.m.k. einn dómara. Starfsmenn og keppendur skulu bera einkennismerki og keppnissvæðið skal afgirt frá áhorfendum. Á unglingameistaramóti skal hvert félag tilnefna liðsstjóra, sem aðstoðar starfsfólk mótsins við að halda reglu á móti. Mótanefnd er heimilt að sekta félög eftir 16. gr. ef þau vanrækja að tilnefna starfsfólk eða halda liðsstjóra. Keppendur á unglingameistaramóti skulu vera komnir á mótisstað a.m.k. 45 mínútum áður en keppni hefst, en á Íslandsmeistaramóti fullorðinna skulu keppendur vera komnir á mótisstað a.m.k. 30 mínútum áður en keppni hefst í þeirra keppnisflokki.

Keppnin.

7. gr. Í upphafi móts kallar aðaldómari saman aðra dómara og skipar þá í stöður, samræmir einkunnagjöf og gefur mönnum kost á að koma með spurningar.
8. gr. Í Kata-móti skal keppt í eftirfarandi greinum:
 1. Kata kvenna.
 2. Kata karla.
 3. Hópkata kvenna (3ja kvenna sveitir).
 4. Hópkata karla (3ja manna sveitir).Á Kumite-móti skal keppt í eftirfarandi greinum:
 1. Kumite kvenna, opinn flokkur.
 2. Kumite karla, -65 kg.
 3. Kumite karla, -73 kg.

- 4.Kumite karla, -80 kg.
- 5.Kumite karla, +80 kg
- 6.Kumite karla, opinn flokkur.
- 7.Liðakeppni karla (5 manna sveitir).
- 8.Liðakeppni kvenna (3 kvenna sveitir).

Á Unglingameistaramótinu skal keppt í eftirfarandi greinum:

- 1.Kata barna 8 ára og yngri.
- 2.Kata barna 9 og 10 ára.
- 3.Kata krakka 11 og 12 ára.
- 4.Kata táninga 13 og 14 ára.
- 5.Kata unglinga 15 og 16 ára.
- 6.Kata eldri unglinga 17 og 18 ára
- 7.Kata juniora 19 og 20 ára.
- 8.Hópkata krakka 12 ára og yngri.
- 9.Hópkata táninga 13 til 16 ára.
- 10.Hópkata juniora 17 til 20 ára.
- 11.Kumite stráka 12 ára.
- 12.Kumite drengja 13 og 14 ára.
- 13.Kumite pilta 15 og 16 ára.
- 14.Kumite eldri pilta 17 og 18 ára.
- 15.Kumite juniora 19 og 20 ára.
- 16.Kumite telpna 12 og 13 ára.
- 17.Kumite stúlkna 14 og 15 ára.
- 18.Kumite kvenna 16 til 20 ára.

Á unglingameistaramótinu skal miðað við fæðingarár. Þar skulu keppendur bera a.m.k. 9. kyu. Í kata skulu drengir og stúlkur keppa í sama flokki. Í hópkata skal sveit keppa í þeim aldursflokki sem meirihluti sveitar skyldi keppa í.

9. gr. Árlega skal halda Bikarmót KAÍ í kumite og kata. Hvert bikartímabil nær frá 1. sept. til 31. maí næsta ár. Bikarmótinu skal skipta í tvo, þrjá eða fjóra hluta fyrirfram. Keppt skal í þremur flokkum í hverjum hluta mótsins í kumite, einum opnum kvennaflokki og tveimur karlaflokkum eftir þyngd, -74 kg og +74 kg og tveimur flokkum í kata, flokki karla annars vegar og flokki kvenna hins vegar. Eftir hvern hluta skal gefa 5 stig fyrir fyrsta sæti, 3 fyrir annað og 2 stig fyrir þriðja sætið og 1 stig fyrir fjórða sætið. Ef einungis einn keppandi mætir í tilteknum flokki skal hann fá 5 stig, enda hafi hann farið ósigraður frá móti. Hægt er að keppa bæði í Kata og Kumite og leggjast þá stigin úr greinunum tveim saman. Eftir að öllum Bikarmótum tímabilsins er lokið, skal stgahæsta konan og stigahæsti karlinn í samanlögðum greinum verða útnefnd Bikarmeistarar KAÍ. Þeim tveimur sem koma næst þeim að stigum í flokki karla og flokki kvenna skal veita önnur og þriðju verðlaun. Séu tveir einstaklingar jafnir að stigum í lok bikarkeppninnar vinnur sá er oftast var í fysta sæti. Sé enn jafnt vinnur sá er oftast hefur verið í öðru sæti og svo framvegis.

10. gr. Meistaraverðlaun skulu vera fyrir 1. sæti, verðlaunagripur eða gylltur peningur, fyrir annað og þriðja sæti silfur eða bronslitaðir peningar. Íslandsmeistarar í sveitakeppnum fá auk þess til varðveislu farandbikar, sem viðkomandi félag hlýtur til eignar eftir að hafa unnið hann fimm sinnum í röð eða átta sinnum alls.

11. gr. Á mótum KAÍ skulu vera ein, tvær eða þrjár umferðir eftir ákvörðun mótanefndar. Keppendum er heimilt að sýna hverja þá kata sem kemur frá eftirtöldum fjórum meginstílum viðurkenndum af WKF, Goju-Ryu, Shito-Ryu, Shotokan og Wado-Ryu. Keppendum er ekki heimilt að

sýna sömu kata á milli umferða. Keppendur eiga að tilkynna þá kata sem þeir ætla að sýna til ritara móts áður en hver umferð byrjar. Karatesambandið skal gefa út lista í samráði við félögin með þeim kata sem heimilt er að keppa í. Á Unglingameistaramóti má þó endurtaka kata í úrslitum. Mótanefnd ákveður hve margir keppendur komast áfram úr fyrstu umferð, en miða skal við að í úrslit komist 6 efstu í einstaklingsgreinum en 4 efstu liðin. Á Unglingameistaramóti skulu 5 efstu í hverri katagrein komast í úrslit. Dómarar í úrslitum skulu ávalt vera fimm hið fæsta og helst einn úr hverju af stærstu félögunum, en þó hið minnsta einn frá hverri stíltegund. Reglur um réttindi dómara geta þó leitt til annars. Stigagjöf úr fyrri umferðum er ekki lögð saman við stig í seinni umferðum. Ávalt skal strika út hæstu og lægstu einkunnagjöf, ef dómarar eru fleiri en þrír. Ef keppendur eru jafnir að stigum sigrar sá sem hefur hlotið hærri lægstu tölu og svo hærri hæstu tölu. Ef keppendur eru enn jafnir, skulu þeir framkvæma aðra kata heldur en þeir sýndu í síðustu umferð.

Ef ekki skrá sig til leiks fleiri en einn keppandi eða lið, fellur keppni niður í þeirri grein. Keppanda í þeim flokki er þá heimilt að keppa í næsta flokki fyrir ofan í þyngd eða aldri.

12. gr. Á kumitemótunum skal keppt eftir útsláttarfyrirkomulagi, en þó er mótanefnd heimilt að ákveða að láta keppa í riðlum, allir við alla, en það skal þá koma skýrt fram í mótstilkynningu. Ef keppendur eru þrír, skulu þó allir keppa við alla. Keppni um þriðja sætið skal hagað þannig að þeir sem síðast töpuðu fyrir þeim sem komast í úrslit keppa um það, þó getur mótanefnd ákveðið að hafa annan hátt á. Sömu reglur gilda um liðakeppnina, nema mótanefnd ákveðið að láta liðin keppa innbyrðis eftir öðrum reglum.

13. gr. Í þeim tilfellum sem mótanefnd getur ákveðið að hafa annan hátt á en um getur hér að ofan eða í alþjóðlegum reglum, þá skal félögunum tilkynnt það í mótstilkynningu eða í síðasta lagi sex dögum fyrir mótið.

Kæur, fundir, úrslit & skýrslur.

14. gr. Skýrslu um mótið skal senda stjórn KAÍ mánuði eftir að mótinu lýkur. Mótanefnd skal sjá um að faanlegar séu skriflegar upplýsingar um úrslit mótsins, í síðasta lagi daginn eftir mótið.

15. gr. Kæur um framkvæmd móts eða ákvarðanir mótanefndar varðandi mótin, skulu berst mótanefnd í síðasta lagi 48 tímum eftir lok móts. Kæur skulu vera skriflegar. Kæur varðandi atvik, sem eiga sér stað fyrir mót skulu afgreiddar þegar í stað og eigi síðar en sólarhring síðar. Mótanefnd skal jafnóðum taka afstöðu til kæra sem berst á eða fyrir mót og geta varðað úrslit eða lögmæti mótsins. Mótanefnd skal annars taka afstöðu til kæra innan viku frá því að kæra berst. Kæranda skal skýrt frá úrlausn mótanefndar munnlega, en kærandi getur óskað eftir skriflegri niðurstöðu mótanefndar. Niðurstaða í úrlausn mótanefndar skal stuttlega rökstudd, þó er ekki þörf ítarlegs rökstuðnings varðandi kæur sem afstaða er tekin til á mótunum sjálfum, nægir þá oft að vísa til lagaákvæðis. Úrlausnir mótanefndar eru kærnanlegar til viðkomandi héraðsdómstóls í viku eftir að kæranda berst vitneskja um niðurstöðu mótanefndar.

16. gr. Ef þátttökutilkynningar eða breytingar á þeim berast eftir að frestur er útrunninn, skal litið á þær tilkynningar sem kæur.

Mótanefnd er heimilt í úrskurðum sínum að sekta viðkomandi félag og setja greiðslu hennar sem skilyrði fyrir því að kæra sé tekin til greina. Þá er mótanefnd heimilt að sekta þau félög sem ekki senda dómara eða liðsstjóra á mót samkvæmt reglum þessum. Sektir geta verið allt að fimmföld upphæð þátttökugjalds fyrir hvern mann. Mótanefnd er heimilt að meina þeim félögum að taka þátt á móti, er inna eigi sektir af hendi þegar þeirra er krafist, sama er að segja um næsta eða næstu mót, ef sektin er eigi greidd áður.

17. gr. Kæur varðandi agabrot á mótum skulu berast aganefnd KAÍ. Aðaldómara er skylt að gera skriflega skýrslu um þau agabrot, er hann verður var við og senda aganefnd innan viku frá því að móti lauk. Öðrum dómurum á mótinu er skylt að tilkynna aðaldómara um slík brot, sem þeir verða varir við og skila skýrslu um þau til hans í mótslok. Í skýrslu um agabrot skal tilgreina nafn hins brotlega, félag, stað, tíma og í hverju agabrotið er fólgið, einnig skal nefna vitni ef einhver eru.

18. gr. Mótmæli varðandi einstaka viðureignir skal liðsstjóri viðkomandi liðs eða einstaklings koma á framfæri strax við aðstoðardómara. Hann skal þá stöðva leikinn og skulu dómara strax halda fund og úrskurða í málinu. Eftir að viðureign lýkur og dómari hefur tilkynnt úrslit er eigi unnt að kom fram mótmælum varðandi stigagjöf. Kærum varðandi stigagjöf eða dómgæslu í katakeppni, skal komið á framfæri við aðaldómara um leið og hlé er gert á keppni og eigi síðar en áður en úrslit eru tilkynnt eða keppendum veitt verðlaun.

19. gr. Í úrslitum eftir mót er mótanefnd skylt að birta úrslit móts með stigagjöf félaga, þannig að félag fær 1 stig fyrir 3 sæti, 2 stig fyrir 2 sæti og 3 fyrir 1 sæti, þetta á einnig við um liðakeppni, nema sveitakeppni í kumite fullorðinna karla þar sem stigin skulu vera þreföld fyrir hvert sæti.

20. gr. Að öðru leiti gilda reglur WKF um Íslandsmeistaramót KAÍ

21. gr. Ef eitthvert félag óskar þess, þá skal halda fund á næstu dögum eftir mót, þar sem rætt er um úrslit, framkvæmd, kætur og úrbætur mótsins.

Félagaskipti.

22. gr. Félagaskipti skal tilkynna KAÍ skriflega með ábyrgðarbréfi eða öðrum sannanlegum hætti. Tilkynning þessi skal undirrituð af þeim sem óskar félagaskipta eða forráðamanni hans. Félagaskipti geta einungis tekið gildi tvisvar á ári. Tilkynningar sem sannanlega berast á tímabilinu frá og með 1. janúar til 31. ágúst árlega taka gildi frá og með 1. september og tilkynningar sem berast á tímabilinu frá og með 1. september til 31. desember taka gildi frá og með 1. janúar. Tilkynningar sem ekki uppfylla ofangreind skilyrði t.d. eru ekki skrifleg eða undirritun félagsins skortir, skulu ekki teknar gildir fyrr en úr hefur verið bætt með sannanlegum hætti. Með tilkynningum félaganna um mót skal fylgja tilkynning um öll félagaskipti sem átt hafa sér stað á undangengnu tímabili.

Réttindi karatedómara.

23. gr. Dómaranefnd KAÍ, skipuð þremur hæfum mönnum af stjórn KAÍ til eins árs í senn ákveður réttindi dómara. Nefndin skal úthluta dómurum réttindi eftir getu og þekkingu þeirra, bæði í kata og kumite, fyrst sem C-félagsdómari, þá B-héraðsdómari og loks A-landsdómari. Nefndin heldur dómaranámskeið a.m.k. einu sinni á ári og gefur dómaraefnum færi á að þreyta próf til réttinda. Prófið skal vera bæði verklegt og skriflegt. Dómarar, sem hljóta réttindi skv. reglum þessum, skulu ganga framar þeim dómurum, sem minni réttindi hafa eða engin. Félagsdómarar hafa rétt til þess að vera aðaldómarar á innanfélagsmótum og vallardómarar á héraðsmótum. Héraðsdómarar hafa rétt til að vera aðaldómarar á héraðsmótum og vallardómarar á Íslandsmeistaramótum. Héraðsmót kallast mót, þar sem keppendur koma úr fleiri en einu félagi. Landsdómarar skulu vara aðaldómarar á Íslandsmeistaramótum.

Samþykkt á 8. Karateþingi 19. mars 1991.

Síðast breytt á 13. Karateþingi 11. maí 2000

VIÐAUKI

Myndband af ÍM í Kumite

Kápa á myndbandsspólu eftir Finn Þorgeirsson sem hægt er að panta: karate@photoshow.org

